

« Աստուած ողորմի Խանարեկի Հոգոյն Մուրատին, Մինասարին, Մեղքիսէթին, Հէր Ուսէփին . . . »

Մի այլ ձեռագիր ութածալ, 830 էջէ բաղկացեալ նոտր գրով և յիշատակարանն ետէն էր գրուած երեք թերթերու վերայ. որ կտրուած է, երկու մատնաչափ վայր մնացած է իւրաքանչիւր թերթի վերայ:

Այս ձեռագիրն մի և կէս դարու գրուած հազիւ լինի. որ գրուած է հարց և պատասխանով, որոյ  $\frac{1}{3}$  ը գրուած է « ընդդէմ կորուսեալ ազգին տաճկաց, որք կարապետեն նեռինն . . . » Ցաճկաց աւանդութիւններն և մոլութիւններն մի առ մի կը թուէ Ս. գրոց փաստերով և երբեմն Ղուրանէ օրինակ բերելով:

Ապա 16 էջ ընդդէմ հրէից ազգին. ապա « վասն հրեշտակաց ». Սատանայի անկման, հարցմունք պիտանիք, զանազան տարերաց վերայ. նոյեան տապանի վերայ, սերմնակաթին, կանանց բաժանման, Գեդէոնի զեղման, Սողոմոնի տաճարին. Ս. կոյն Մարիամ. Անապական մարմնոյն Քրիստոսի. Ժողովքի, Ժամք աղօթից, շարակնոցի, գրոց ընթերցման վերայ ևլն.

Պատրաստ ունէի քրդ. իդական սեռի անուանց մի ցանկ, որ զրեաթէ համանման էր հայ իդական սեռի անուանց. բացի աստի կարգ մի անձանց զործունէութիւնը և հիւրասիրութիւնը, որք վերջին տարիներս երևան եկած էին, որպիսիք էին Բարսեղ Մուշեղեան, Մխիթար Թաթոյեան, Մելիք Գանտիլեան ևլն. որք մեռած են. Զաքարեան Բարսեղ, Աբրոյ Տ. Յովհաննիսեան, Տ. Մխիթար (կաթողիկ), Բէրբէրեան և այլք, որք ի բաց թողուեցան տեղւոյ սղութեան և ինչ ինչ հանգամանքներու առթիւ. որպէս և ականայ կրճատած եմ ձեռագիր յիշատակարաններու մի մասն:

**ՎԵՐՋ Ա՝ ՄԱՍԻՆ**